



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 726. Usque Ad Annum 813

Fleury, Claude

August. Vind. [u.a.], 1760

VD18 90117859

§.5. Monasterium Nonantulanum.

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul. VIII.
A.C. 753.

§. V.

Monasterium Nonantulanum.

*Ad. S.S.
Ben. to. 6.
init.*

Gifeltrudi Regina Aistulphi conjug
frater erat, nomine Anselmus, qui
olim Dux Forojulienfis relicto Mundo
Monasterium Fananense septem Leucis
seu viginti duobus millibus a civitate
Mutinensi distitum, Regis Aistulphi So
rorii sui munificentia adjutus anno se
ptingentesimo quinquagesimo fundavit.
Cum Anselmus aliquamdiu ibi fuisset
commoratus, etiam fundum Nonantu
lanum, duabus Leucis a Mutina distan
tem, a Rege donatum accepit, quem ipse
& Monachi ejus manuum suarum labore
purgarunt, ibique Ecclesiam & Monaste
rium anno tertio Regis Aistulphi, id est
anno Incarnationis septingentesimo quin
quagesimo secundo fundarunt. Anno
sequente illa Ecclesia in honorem om
nium Apostolorum manibus Sergii Ar
chiepiscopi Ravennatis, Stephano II. Pa
pa jubente, consecrata. Aistulphus hanc
foundationem confirmavit datis litteris
in quibus nihil aliud a Monachis peti
quam ut sibi in magna Quadragesima
lucillos quadraginta, & totidem in Qua
dragesima S. Martini, nimirum in Ad
ventu, suppeditare teneantur. Aistul
phus iter Romam cum Anselmo suscep
sit, atque hanc epistolam supra Corpus
Sancti

Sancti Petri in signum subjectionis erga Sacul. VIII.
 Sacram Sedem obtulit. Papa vero An- A. C. 753.
 selmum Habitu Monastico induit, bacu-
 lum pastorem tradidit, Abbatem con-
 secravit, & Sergio Archiepiscopo præ-
 senti, hæc enim Cæremonia in solemnibus
 Concilio peracta, commendavit. Con-
 sensit etiam Papa, ut Anselmus Corpus
 S. Silvestri auferret. Unde credere de-
 bemus, Regem Longobardorum bellum
 adversus Romanos moventem inducias
 per hyemem concessisse. S. Anselmus
 aliquot fundavit hospitia, in quorum uno
 centum pauperes, primo uniuscujusque
 mensis die, reficiebantur, atque per sin-
 gulos annos hodieque Missæ trecentæ
 pro vivis & mortuis celebrantur. Ce-
 terum annis quinquaginta Monasterio
 Nonantulano præfectus non nunquam
 mille centum & quadraginta quatuor Mo-
 nachos non numeratis infantibus & no-
 viciis rexit.

Postquam Rex Aistulphus duos Ab-
 bates a Papa ad se missos re infecta repu-
 lisset, Joannes Constantini Imperatoris
 Silentarius Romam pervenit cum litte-
 ris ad Papam & Regem Longobardorum
 datis, in quibus Imperator a Rege pete-
 bat, ut Civitates Imperio ereptas redde-
 ret. Papa Joannem illico Ravennam di-
 mittit ad Regem, qui vagis verbis re-
 spondens incerta, suorum aliquem cum

Anast.

Sæcul. VIII.
A. C. 753.
Legati titulo unacum Joanne Constanti-
nopolim ire jubet. Papa quoque Dele-
gatos misit cum Epistolis, rogans Impe-
ratorem, quod jam sæpius monuerat,
ut cum exercitu veniret & Romam Ita-
liamque liberaret. Sed nec ista Lega-
tione quidquam effectum, nec ullum
Constantinus periclitanti Italiae misit au-
xilium.

§. VI.

Califæ Abbasidæ.

Elmac. l. II.
6. 1.
Nimirum Constantino Copronymo in
alia Orbis parte milite opus erat,
volenti piscari in turbido & Mululmannis
inter se ipsos divisis bellum inferre;
quippe Califæ Merovano adversabatur
potentissima factio; Duce *Ibrahim* filio
Mahometis, filii *Aly*, qui Familiæ Aba-
sinæ princeps extiterat. Nam Abas Ma-
hometis falsi Prophetæ patruus fuit, cum
Ommia Familiæ regnantis caput solum
in gradu remoto eum contingeret. *Ibra-
him Iman* salutatur Mechæ anno Hegiræ
127. Jesu Christi 744. sed elapsis annis
quatuor a Merovano captus interficitur.
6. 2.
Verum Ibrahim Frater Abdalla, cogno-
mento *Abulabas Saffab* huic factioni Du-
cem se præbuit, atque Cufæ in Arabia
anno 132. die Veneris, decimo tertio
mensis tertii, nempe ultimo Octobris an-
no Salutis 749. Califa proclamatus est.

Is